

Instruere populum vt ardētius, & deuotius ad huius Sacramēti perceptionem, & frequentationem accendatur, & inflāmetur. In primis docebit per hoc Sacramentum conferrī gratiam [sicut & per cetera à Christo Domino instituta] vt docet Concilium Floren. in Bulla vnionis, vbi sic dicit. Effectus huius Sacramenti quem in anima operatur dignè sumētis est adunatio hominis ad Christum. Et quia per gratiā homo Christo incorporatur, & membris eius vnit: consequens est, q̄ per hoc Sacramentū in dignè sumētibus gratia augeatur. Et in Conc. Trid. Sess. 13. ca. 2. dicitur. Ergo Saluator noster discessurus ex hoc mundo ad Patrem, Sacramentum hoc instituit, in quo diuitias diuini sui erga homines amoris velut effudit, memoriam faciens mirabilium suorum, & in illius sumptione colere nos sui memoriā præcepit, suāque annunciare mortē, donec ipse ad iudicandū mūdū veniat. Sumi autē voluit Sacramentū hoc tanquā Spirituale animarum cibum, quo alātur, & confortentur viuētes vita illius, qui dixit. Qui manducat me, & ipse viuet propter me, & tanquā antidoti, quo liberemur à culpis quotidianis, & à peccatis mortalibus